

Na osnovu člana 72. Statuta Univerziteta „Džemal Bijedić“ u Mostaru, Senat Univerziteta “Džemal Bijedić” u Mostaru raspisuje

### **KONKURS / NATJEČAJ**

**Za prijem redovnih studentica i studenata, državljanja BiH i stranih državljana, u Studentski dom u Mostaru, u akademskoj 2012/13. godini na smještaj i ishranu.**

#### **I**

U akademskoj 2012/13. godini Studentski dom u Mostaru izvršit će prijem 50. studenatica i studenata, državljanja BiH i stranih državljana koji su redovni studenti Univerziteta “Džemal Bijedić” u Mostaru, prema utvrđenim kriterijima.

#### **II**

Učesnici Konkursa / Natječaja dužni su dostaviti:

1. Prijavu – molbu (obrazac) za prijem u Studentski dom (obrazac prijave preuzima se u Studenskom domu),
2. uvjerenje visokoškolske ustanove da je redovan student sa potvrdom o položenim ispitima iz prethodnih studijskih godina (ili ovjerena kopija indeksa sa ocjenama),  
Novoupisani studenti podnose ovjerenu kopiju svjedočanstva iz IV razreda srednje škole,
3. potvrdu – uvjerenje o osvojenim nagradama na nastavnim i sportskim takmičenjima (na kantonalnim, federalnim, državnim i međunarodnim takmičenjima),
4. potvrdu o stepenu invalidnosti (lične, roditelja ili staratelja),
5. potvrdu o poginulim, nestalim i umrlim članovima uže porodice,
6. potvrdu o učešću u OS BiH roditelja (provedeno vrijeme),
7. potvrdu o logoraškom statusu, ličnom ili roditelja (izdata od Međunarodnog crvenog križa),
8. uvjerenje o zajedničkom domaćinstvu (kućna lista) i o primanjima po članu domaćinstva (materijalni cenzus) po osnovu:
  - plaće, penzije i druge prinadležnosti (prosječno zadnja tri mjeseca)
  - ukupnog godišnjeg katarstarskog prihoda
  - potvrda Zavoda za zapošljavanje o nezaposlenosti roditelja ili staratelja.
9. potvrdu o izbjegličkom statusu,
10. potvrdu o mjestu stalnog boravka i ovjerena kopija lične karte.

Navedena dokumenta moraju biti izdata od nadležnih institucija i ne smiju biti starija od 6 mjeseci.

### III

Rangiranje kandidata obaviti će Komisija za prijem studenata na osnovu utvrđenih kriterija i zbrajanja ukupnog broja bodova dobijenih iz dostavljenih dokumenata koja se traže ovim Konkursom / Natječajem.

Rang – lista biti će objavljena na oglasnoj ploči Studentskog doma najkasnije do 20.septembra 2012.godine.

Prigovor na rang – listu podnosi se Upravi Studentskog doma u roku od tri dana po objavi iste. Općine, kantoni ili druga pravna lica koja su izmirila obaveze iz prethodne akademske godine po osnovu potpisanog Protokola ili Ugovora o subvencioniranju smještaja i ishrane studenata u Studentskom domu Mostar, osiguravaju studentima prednost u prijemu.

### IV

Novoupisani studenti – brucosi dužni su potvrdu o upisu na visokoškolsku ustanovu dostaviti prilikom zaduživanja u Studentskom domu.

Studenti starijih godina koji su privremeno primljeni po Konkursu / Natječaju u Dom, obavezni su dostaviti potvrdu o upisu u visokoškolsku ustanovu u akademskoj 2012/13.godine do 1. novembra 2012. godine radi regulisanja smještaja, u protivnom gube pravo na smještaj.

### V

Konkurs / Natječaj ostaje otvoren do **15.9.2012.** godine, a prijave na Konkurs / Natječaj mogu se dostaviti lično ili putem pošte na adresu:

Univerzitet "Džemal Bijedić" u Mostaru  
Studentski centar  
USRC "Midhad Hujdur – Hujka"  
Mostar, 88104

**Nepotpune i neblagovremeno dostavljene prijave neće se razmatrati**